

CHANSON
POTRET PLOUILLAU

Var ton : *Adieu, Pontrëo*

M'am bije speret da gompren, evel a meus
fantazi,
Me a vije n'em implijet da zonet da gomposi
Eur c'himiat leun eus a c'hlae'har, grët da gons-
crivet yaouanc
O deus tennet ar billet ebars er blaves prezant.
Ebars er bla mil eis cant c'hoec'h, ar bemp
a vis guengolo,
E zeo digueet adare eus a baros Plouillau
Tud yaouanq evit an arme, tud eus a re der-
rupla ;
Glac'haret è oll ligne, p'o guelont o partia.
Da bartia gant an actif ne zeus qen nemet pèvar :
Ervoanic Jacob, eus ar bourg, ha Guiljan ar
Meledar,
Ha Yannic Prat eus ar Goajou ha Pipi an Aveant ;
Pèvar den eus a re vrava, corfou caer ha tud
vaillant.
Ervoanic Jacob a lare en deiz-se d'e gamarad :
Emû a zò un devez trist hac a ra diq calonad !

Guelet va mam baour o vouela, ha va zad qèz
desolet!

Va c'halonic ebars em c'breiz zo dija qazi rannet.
Calz a sonchse de, marteze, penos e ven
ur poltron,

Em be aon rac un ten fuzuil pe rac ur vouled
canon,

P'otramant aoun rac ar fatiq, o vale dre an
hentchou;

Pe gousqet var ur guele can ebars er c'hor-
degardou.

Douguen va dillat var va chouq, va fuzuil ha
va zabren,

Bale bemde a guër da guër dre ar fanq hac ar
vouillen;

Ha goude e fin va beach rancout marteze campi,
Pe gousqet var an douar yen, pe otramant bi-
voaqi.

Tor o deus an neb a sonch se; ma c'halent
lenn em c'halon

Evit guelet va bolonte ha va inclination;

Ma na fofte nemet va goad, me en scuillse tout
joaüs

Evit souten hon Impalaër, un tad qer caran-
tezus!

Piou na gombatse qet hardi gant un Impa-
laër christen?

Ur gaus qer just hac e hini a zo facil da zouten,

Pa zomp memprou da Jesus-Christ, soudardet
an Aviel,

Bugale da Zoue an Tad, templou d'ar Speret-
Santel.

Arça eta, camaradet, qent quittat eus hor
c'hontre,

Demp-ni da ilis Plouillau da suplia hon Doue
D'or preservi demeus goaf chañç pa vezimp en
armeou,

Ha da gonsoli bars er guêr hon tadou hac hor
mamou,

Adieu dêc'h, Autron Sant Millau, patron eus
ar baros-mâ;

Adieu, qerent ha mignonet, cessit brêmû da
vouela :

Pedit Doue hac ar Verc'hes da gavet soign
ac'hanomp,

Hac hon Æl-mad d'hor c'hunduo partout e
lec'h ma zefomp.

Adieu, va mab, va esperanç, eme an tad
dezolet ;

Piou a gonsolo da dud paour goude ma vi'partiet?
Pa viñ accablet gant cosni, me vo clêvet o laret:
Ma vije va mab qèz er guêr, en dije va soulajet.

Clêvit ar vam o qimiadi ive digant e buguel :
Deus amâ c'hoas ma c'hambrassin ur vech-qent
eguet mervel ;

Aben ma retorni d'ar guêr me vo êt eus ar bed-mâ

Deus amân etre va divrec'h evit ar vech diveza.
A guichen ar moment fatal ma c'heus tennet
d'ar billet,
Bemnos vel ma fot din cousquet, me a seblant
da velet
O tont eus eur gombat sanglant, var eur chariot
blesset,
Pe tolet en eun hospital, gant an oll abandonet.
Ar soudard yaouanq coutristet, c'hoas qent
eguet partia,
Evit essât o c'honsoli a lavar, en eur vouela :
Tavit, va zad ha va mam baour, ha bevit en
esperanç :
Done, tad a visericord, a zo bras e brovidanç.
Goude ma vo fin d'ar brezel ha goucet ar victoar,
Gaut graç Doue hac ar Yerc'hes, e vezo fin d'ho
clac'har ;
Evit merq eus hor vaillantis, gant lore deus hon
locon,
Ni a zistroyo prest d'ar guêr evit sec'hi ho taelou.
Adieu da baros Plouillau ha d'e oll habitantet,
Adieu d'hon oll anaoudeguez, ha qerent, ha
mignonet :
Ha ma na memp qet ar boneur er bed-mâ d'en
em velet,
Graç deomp ebars er barados assambles d'en
em gavet.

FIN.



GUERZ

VAR SUJET DISTRO UN DEN YAOUANQ

PARTIET GANT AR GUENTA REQUISITION.

Var ton : Va Flaneden zo caled.

MOSTAIT oll, tud yaouanq, ha qemerit true
Touz ar blannden bonner a buez var va bue ;
Deut da guemesq ho taelou assambles gant va re,
Da zoulagi va foanpiou, deut da voela varno.

Cetu deg vloas tremenet ma zôn bet contraignet
D'abandoni va c'herent, va douç, va mignonet,
Evit mouet d'ar brezel da zouguen an armo
E faveur al liberte voa prometet d'am bro.

Abaoué qe't all amzer, n'alfen qet lavaret
Pet combat ha pet poanniou a meus me anduret.
Tri c'hant leo am separe eus va c'herent nessa,
Ha na meus bet diouto quèlou an distèra.

E creiz ar c'harnach bemde va buez exposet,
Unan demeus va diou vrec'h et fin a meus collet,
Hac evit oll recompanç e meus bet va c'honje,
Hep receo nep pansion da veva em c'hontre.

C'hoas laouen o tilezel servich ar Repabliq,
N'en d'eo qet deut va speret da gompren er fatiq
Eus au hent-hir ha poannius-am boa-me da ober
Aroc guelel va zud qe'r hac èruout er guèr.

Collet e meus ar gallout da rêi sicour d'am zad,
Hac o tivoeret va brec'h, n'allin mui labourat,
Iréma va zud am mago, pa m'eus-me choas ar chang
M'o d'eus leve hac arc'hant ebars en abondanç.

Cetu me dija èru tostic demeus ar guër ;
Gant ar joa ouz va guëlet an oll a ray din cher.
Va zad, va mam, va c'herent, breudeur ha c'hoarezet,
Ha va mestrezic fidel, a vo oll ravisset.

Bonjour dœc'h, ô va c'hontrel eurus en em gavàn
Gallout c'hoas ho contempli, dont da vervel amàn.
Va c'halon gant ar joa vras em c'hreiz zo seziet
Ô tostic demeus an ty el lec'h mon bet ganet.

Mes oc'h antreal enni, e zòn bet trubuillet,
Un den dianav din-me en deuz din lavaret :
Eruet fall oc'h amàn ; sortiit va mignon ;
Ne mâ get ar mestr er guër, n'ho po get aluzon.

Souezet bras o velet n'anaveyen hini
Touez quenliez personach a voa o rên en ty,
E meus-me prest respontet : ententit va rêson,
Me n'en don get deut amà da glasq an aluzon.

Clasq a ràn va c'herent qer er plaç m'òn bet ganet ;
Al lec'h-mâ a zo dezo, amà òn bet maguet.
Lavaitit din, me ho ped, pelœc'h en o c'havia :
Ne zelot neira qen din evit va c'hontantin.

An den-mâ a zo follet, int commanceet crial :
N'en dê get mab d'hor mestr-ni ; ret eo er chasseal.
Guëlet ho pije neuze eur vanden mevellien
O tîredeç gant bizier dam chasseal soudan.

O sortiit gant glac'har ha beuzet em dælou,
Da glasq va zud elec'h all, pe clêvet ô c'hélou,
En hent e zòn bet scœt vel gant eun tol curun,
Pa meus-me anaveet voa collet hor fortun.

Soudan e meus rascontret va c'hoar ar yaouanqa,
Eur zac'hic stagoet outi, o c'houlen e bara.
O clasq compren ar maleur varnomp-ni diguëzet,
Va speret zo bet troublet, ha va c'halon mantret.

O Doue oll-baissant ! roit din hoc'h assistanç.
Roit din an netz da glêvet penos ho Providenç

E devez bet permetet, evit ma c'hastia,
Ma zomp-ni bet reduiset er stad an horrupla !

Va c'hoaric paour, me ho ped, soulajit va mizer ;
Hast bras a meus da glévet qêlou deus va zad qer,
Hac eus ar vamic tener e devez hor savet ;
Mervel a rân en defot o zerc'hel ambrasset.

Sionas dit, va breuric paour ! ne oufes qet compren
Peguen bras eo hor maleur, peguer bras hon anqueu...
Allas ! ouspen hor madou a renqomp divoeret :
Hor c'heren carantezus zo bet deomp ravisset.

En despet d'al lezennou grêt gant ar Republik,
Hon tad voa chomet fidel d'an Iliis Catholig,
Rac-se gant an tyrantet e zeo bet condaonet
Da bignat var ar chaffot vit beza dibennet.

Prestic goude, hor madou a zo bet confisquet,
Hac ive, prestic goude, sionas ! int bet guerzet,
Consumet gant ar chagrin deus qement a gollo,
Hor mam a zo bet neuze scôet gant ar maro.

Cessit, va c'hoar, da barlant ; cessit d'am dezoli,
Re a meus var an douar a dormant hac anui,
Er moment mac'h esperen commanç bava eurus,
Eo em gavañ, va Doue ! moyoc'h muy malourus.

Goude beza servichet ar Republik ingrat,
E deus, d'am recompanci, guillotinet va zad,
Laqet va mam da vervel dre nerz an dizesper,
Ha gûerzet va oll vadou ; n'em bo nemet mizer.

Diouz an tourmanchou garo a stourm ous va speret,
Pelec'h caout soulajamant, pelec'h cavet remed !
Ar plac'h e deus captivet a bel va zantimant,
A zoulajo va hirvoud gant e c'homzou charmant.

Varzu ty va mestrezic e zân gant esperanç
Caout eo e fidelite remed eus va zouffranç :
Bonjour d'êc'h, va rouanez, cetu me deut er vro :
Ancouêt eo va oll boanniou, mar am c'harit alao.

Me zo FANCHIC, ho mignon, distro eus ar brezel,
Hac a zo en peb amzer chommet d'êc'h-u fidel,
Demeus va oll garante ebars en hoc'h andret
E meus brema esperanç beza recompancet.

Petra, paour qêz renzeudie! clasqit-u em c'hever?
Biscoas no meus ho qûelet, na deziret ober;
Biscoas no meus ho caret, na birviquen n'er grân,
Ha cetu en bêr gomzou, ho setanç diveza.

Me zo an den maleurus, ne gafet qet e bar,
Mil guech milliguet an heur m'on deut var an douar!
Oll gouliou va c'halon zo uêve digoret,
O veza bet rebutet gant va muya caret.

Va mestrez ouz va gûelet couezet en paourente,
Nijet e fromessaou, nijet e c'harante.
Esperanç va eurusted, allas! zo tremenet
Evel ma ra un ure en nôs dre hor speret.

An exempl-mâ, tud yaouanq, a deu d'oc'h instrui
Peguen dister ar bed-mâ, leun a ingrateri;
Epad ma zoc'h pinvidiq, gant an oll oc'h caret;
Mes mar dro rod ar fortun... adieu ar mignonet

Petra rân var an douar? collet va mam, va zad,
Va mestrez ha va madou, va brec'h da labourat:
O vervel pe o veva er c'hoad gant al loened,
Rin guell eguet implori amâ faus mignonet.

Er c'hoajou an tevalla o tont d'en em guzat,
Maguet vin gant va glachar, hac eus va daoulagad
E tredo an daelou da drec'hi va zec'hed,
Betec ar moment eurus ma quittaïn ar bed.

En despet d'an injustiq, a eprouvan hiriô,
Me bedo a greiz calon evit boneur va brô:
O va Doue! deurvezit renta, dre ho puissanç,
Ar boneur, al liberte d'am brô guêr eus a Fraoç.

E. Montroulez, eus a Imprimeri LÉDAN.

